



**BAHAGIAN PEMBANGUNAN KEMAHIRAN BELIA
KEMENTERIAN BELIA DAN SUKAN**

**KERTAS PELAKSANAAN
IKONIK
[IKON INSTITUSI LATIHAN KEMAHIRAN BELIA DAN SUKAN]**

**DISEDIAKAN OLEH:
BAHAGIAN PEMBANGUNAN KEMAHIRAN BELIA
KEMENTERIAN BELIA DAN SUKAN**

1. TUJUAN

- 1.1. Kertas kerja ini disediakan untuk memaklumkan pelaksanaan IkonIK [Ikon Institusi Latihan Kemahiran Belia dan Sukan (ILKBS)].
- 1.2. IkonIK merupakan platform untuk mengumpul data alumni yang berjaya di samping menghargai penglibatan mereka yang menyumbang kepada pembangunan belia ILKBS. Secara tidak langsung, IkonIK mengiktiraf pencapaian lepasan ILKBS yang menunjukkan kecemerlangan luar biasa dalam tugas, aktif menyumbang masa dan tenaga di luar tugas rasmi serta mengharumkan nama ILKBS dan organisasi. Selain dari itu, IkonIK dapat menjadikan lepasan berkenaan sebagai contoh dan daya penarik kepada pelajar ILKBS untuk terus berjaya pada masa akan datang.

2. LATAR BELAKANG

- 2.1. Pengiktirafan alumni ILKBS berjaya sememangnya telah menjadi acara tahunan ILKBS yang disempurnakan di dalam majlis konvokesyen ILKBS setiap tahun. Lulusan ILKBS yang mencapai kejayaan yang memberangsangkan diangkat menjadi inspirasi buat graduan dengan harapan bakal lulusan ILKBS tersebut turut sama mengukir nama dipersada nasional malah antarabangsa.
- 2.2. Dalam strategi untuk mengangkat martabat dan imej alumni berjaya secara meluas, IkonIK diperkenalkan untuk mengiktiraf alumni yang berjaya diperingkat Institut dengan cara menjadikan lulusan ILKBS yang mempamerkan kejayaan yang cemerlang sebagai Ikon atau teladan buat pelajar sedia ada sebagai bukti produk yang dihasilkan ILKBS amatlah membanggakan.
- 2.3. Dalam masa yang sama, Ikon yang sama dari setiap Institut akan diangkat menjadi calon bagi penganugerahan Anugerah Pekerja atau Usahawan Cemerlang Lulusan ILKBS yang akan dinobatkan semasa majlis konvokesyen ILKBS.

3. OBJEKTIF

- 3.1. Memberi pengiktirafan secara formal terhadap pencapaian pelajar lepasan ILKBS yang cemerlang dan berjaya;
- 3.2. Menghargai sumbangan pelajar lepasan ILKBS dalam usaha pembangunan belia ILKBS;
- 3.3. Meningkatkan imej ILKBS dan persepsi masyarakat terhadap kualiti pelajar lepasan ILKBS; dan
- 3.4. Mengeratkan hubungan dan kerjasama antara alumni yang berterusan membantu dalam memartabatkan TVET Malaysia.

4. KATEGORI

- i. IkonIK (Pekerja Cemerlang)
- ii. IkonIK (Usahawan Cemerlang)

5. KAEDAH PELAKSANAAN

Sila rujuk Garis Panduan dan Kriteria IkonIK (Kategori Pekerja Cemerlang) dan Garis Panduan dan Kriteria Ikonik (Kategori Usahawan Cemerlang) yang dilampirkan.

6. PENUTUP

IkonIK merupakan satu kaedah untuk menghargai sumbangan alumni ILKBS sekaligus menggalakkan alumni ILKBS untuk memainkan peranan yang lebih besar dalam pembangunan belia ILKBS. Ia juga diharap memberi inspirasi kepada pelajar-pelajar ILKBS serta mengangkat martabat lepasan TVET dalam kalangan masyarakat umum.